

10th MISSION & EVANGELISM KHAWMPI SEMINAR

“MISSION NASEP DINGDAN”

Dt. 3rd March, 2012.

at Loklaiphai P/C

By – Rev. B.Lalla, (*Executive Secretary*).

Thumapui : Ni Sagi ni masapen natak lam ah chun, Judate a lau ziak un nungjui te chu Kawt aki khak khum lai un, Jesu chu a kiang un a hung ding a, a kiang un la chung un thamuana um ta hen ati. (Jhn. 20:19). Zia chu agen zaw in a khut leh nak a etsak a nungjui te chu akipak un, a thamuang uh ahi. Jesu'n a kiang un Pa'n ei sawl gualin, nang uh le ka hung sawl la hui, atia. Zia kampau hi nungjuite kiang chou in amang hi. Mission ti hi Pathian mite chungin ahi deu hi. Gendan chuam in, gingtu te, kochuam, khrista taksa ti in gen ahi. Zia hi a um lo chun thupuan/ kilakna umlo ahi.

1. **MISSION UMZIA BANG ?** : Kum zabi tamtak chia ta a Mission I hiat dan uh chu kochuam keklet chanchinpha tangkou pi a, Baptisma chansak a, Ahin Lal jesu'n hindan ah ziltinla te hiatmil ahi sek hi. Khenkhat ngaitua na chanchinpha gen chauh ahi sek ua, khotang hindan taksa khosakna te a nelsia uh ahi. Ahin kum chia zel in miten Mission umzia I hun hethiam hiai hiai tau ahi.

Mission ti tak kammal hi, Bible in alang pua. Maleh Bible a lat dan tak ahin '**Sawl**' ti aki mu pen hi. Mission ti umzia Latin apat lak daw ahia, zia chu '**Sawl**' tina ahi. Ziaziakachun, I chang pansan a -*Khrista'n khovel zosia ah kathu hiatpi tute hitan lau* atia. Jesu'n, Pan ei sawl gual in Ken le ka hung sawl ahi. Tuni ah I Mission hi Jesu mission ahi, akilem lou lemtuak, Pathian leh mihing kala, mihing leh thilsiam kala, mission ti hi –Mite Pathian kianga pui, khovel ah diktatna nasep lungsiatna leh I kim-leh-ikiang a thil umte (Environment). (Mission is Of God, by God, and for God).

2. **THUTHUNGLUI AH MISSION** : Mission hi thuthunglui hun a kibal phu leh guanggal ahi tai. Jesu khrista mihing a chan masang pek ahi tai. Sakhua, khotang hindan, Gam kivaipuakna, nek-leh-chak , leh kidona hun ah Thuthunglui apat kibal phu ahi tai. Etsakna –Pathian namtel Israel apat, Abraham kou in a um a Pathian a hing dingin sawl ahi a, a mite apui dawk sek ahi.
3. **THUTHUNGTHAK AH MISSION** : Thuthunglui ah Pathian hukdamna limtha chu Thuthungthak in a hung gitung hi, zia chu khrista thawkgimna, thina leh thokit Jesu'n –*Khovel zosia'n chia unla, thilsiam zosia kianga chanchinpha gen in, nungjui siam unla Pa-leh-Chapa lehThagau thiangtho min in Baptis unla, ka thupiak zosia zawm ding in hil un. (Mat. 28:19-20)*
4. **A GAM KAI A MISSION** : Mission hi a gam dinmun a chia ding ahi. **Sadu Sundar Singh in – “India khawn (Cup) in hinna tui ei pian”** ati, zia umzia chu agam chawndan/ngaidan/chidan in ati ahi. India khawn in hinna tui ei pian, tumlam gam khawn hilou in, zia chu hileh bang ti dawn di ahiu hethei ina. I Pathian uh chu aphutu Pathian ahi. A tup chu Leithak leh Vanthak ah Pathian leh a misiam te lunggual tak a um ding. A Lalgam chu lungsiatna, chamna, kipakna leh diktatna hi ding ahi.
5. **BANG GUAL AH MISSION NA SEM DI**: A chung a point li(4) ah I mu gual in I nasep di dan teu tamlo enkhawm hitiu –
 - i. Pawt dawk ah chanchinpha gen....
 - ii. Pawtdawk theilo ten le mawpuakna I nei ui-
 - a). Pauchapna,
 - b). Thilpiak.
 - iii. Pathian kouna I hiat dungjui a sep...
 - iv. Chanchinpha tangkoupi dinga misawl....